



**Jen Bureejtön
Dieter F. Uchtdorf**
Rikakpilöklök eo Kein Karuo
ilo Bureejtonji eo Kein KajuŌn

Jemaron̄ Ke Lo Kraist?

Juŏn boñ juŏn jim̄maan eaar riiti juŏn bwebwenato ñan leddik eo jibūn emen iiŏ rettan ke eaar reilōñlok im ba, “Jim̄ma, reilok ñan iju kan!” Lōllap eo eaar ettōñ dikkik ilo jouj im ba, “Jepād lowa, jibū. Ejjeļok iju ijin.” Bōtaab ajri eo eaar akweļap, “Ewōr aṃ iju ilo ruuṃ in aṃ! Lale!”

Eo jim̄maan eaar reilōñlok im, ñan an būllōn, eaar lo bwe jiliiñ eo eaar errabōl lok kōn errabōlbōl in juŏn aeen. Ekkar jab waļok enañin aolepān iien eo, bōtaab ke meram eo eaar itaak ippān errabōbōl eo ilo juŏn wāween, eaar lukkuun āinwōt juŏn meļaaṃ in iju ko. Eaar bōk mejen juŏn ajri ñan loi, bōtaab kar errā ran. Im jān tōre eo ṃaanlok, ñe eo jim̄maan eaar etetal ilo ruuṃ in im kar reilōñlok, emaron̄ kar lo ta eo eaar jab maron̄ in kar lo ṃokta lok.

Jej deļoñe bar juŏn iien kūrijmōj eaiboojoj eobōrak kōn kōjañjañ im ļait ko, bade ko im menin leļok ko. Ak iaan aolep armej, kōj āinwōt membōr ro an kabuñ eo me ej etōñake etan Rilōmōr eo aikuj in reim̄aanlok ellā jān iien eo im lale iṃwe an ṃool eo im aiboojoj eo an tōre in ilo iiŏ otemjeļok.

Ij kōļmenļokjen ewi lōñ in ilo Betleem raar jeļā bwe ilo ijeñ, iturrier, Rilōmōr eo eaar ļotak? Eo Nejin Anij, eo kar to kōttare im kar kallimur kake Messaia—Eaar pād ilubūllijier!

Kom̄ij kememej ke ta eo enjeļ eo eaar ba ñan seperd ro?

“Bwe rainin e ļotak ñan kom̄ ilo jikin kweļok an Devid, Rilōmōr, E Kraist Irooj.” Im raar ba ñan er make, “Kiiŏ jen ilok ñan Betleem im lo men in ej waļok” (Luk 2:11, 15).

Āinwōt seperd ro retto, jej aikuj ba ilo būruwōd, “jen lo men in ej waļok.” Jej aikuj kōñaan men in ilo būruwōd. Jen lo eo Ekwojarjar an Israel ilo menjer, ilo tampeļ eo, ioon toļ eo, im ioon rōbāal eo. Āinwōt seperd ro, jen wūjtak im nebar Anij kōn ennaan in eļap lañlōñ kein!

Jet iien men ko reļļap tata aer pen ñan loi rej men ko me relakkar pād iṃaad wōt jān jinoin. Āinwōt eo jimman eaar likjab in lo iju ko ilo jiliiñ eo, jet iien jej jab maron̄ lo ta eo epidodo ñan loe.

Kōj ro jaar roñ ennaan eo aiboojoj kōn itok eo an Nejin Anij, kōj ro jaar bōk iood Etan im kar kōṃṃan bujen ñan etetal ilo iaļ eo An āinwōt rijilōk ro An—jej jab aikuj likjab ñan kebellok būruwōd im lōllāātāt ko im lukkuun ṃool in lo E.

Iien Kūrijmōj ej eṃṃan ilo elōñ wāween ko. Ej juŏn iien ṃakūtkūt ko an leto letak in jouj ko im iakwe in jemjen jemjati. Ej juŏn iien eo eļap kōļmenļokjen kōn mour ko ad make im kōn elōñ kōjeraamṃan ko me rej ad. Ej juŏn iien in joļok bōd im aer joļok ad bōd. Ej juŏn iien ñan lañlōñ kōn kōjañjañ im ļait ko, bade ko im menin leļok ko. Bōtaab errabōlbōl eo an iien in en jab kōmarok lok ad lo im bōbraeik kōj jen lukkuun loe

Irooj in Aenōmṁan eo ilo An utiej pōtata.

Jen aolep kōmṁan bwe iien Kūrrijmōj in ilo iio in en juōn iien lemōṁōṁō im kaṁoolol, juōn iien ñe jej kile kabwilōñlōñ eo me ad Anij Kajoor Pōtata eaar jilkintok Eo Nejin Emake Wōt, Jisōs Kraist, ñan lōmōṁoren la!

ḶŌMṂAK KO ÑAN KATAKIN JĀN ENNAAN IN

1. “Makūtūt in kakuktok ko remaroñ in jermal ñan ejaak limotak im ñan jipañ rikatak ro lukkuun letok aer ioon wūnin katak eo. . . . Pija ko rej jermal ko raorōk ñan kōkajoorḷok wūnin kōnono eo an juōn katak im jipañ rikatak ro letok wōt aer” (*Teaching, No Greater Call* [1999], 160, 176). Ilo aṁ jino kwaḷok ennan in, Ḷōmṁak in kōjermal juōn makūtūt in kakuktok āinwōt kwaḷoke juōn pija ak kajeedede juōn pija im kajitōke baamle eo ñan Ḷōmṁak kōn ewi wāweenan jermal ñan ennaan eo.

2. “Juōn iaan menin kōttōpar ko aṁ raorōk ej ñan jipañ ro jet kōmṁani katak kōn kōjpeḷ ko ilo aolep jekjek in kajjojo raan ko. . . . Jipañ rikatak ro lo kōjeramṁan ko me rej itok ñe jej mour kōn kojpeḷ eo” (*Teaching, No Greater Call*, 159). Ālikin kwaḷok ennaan in, Ḷōmṁak in karuwaineneik membōr ro an baamle eo ñan kwaḷok imminene ko ewōr ippāer āinwōt aer kar kalimjōk wōt Rilōmṁor eo ilo iien Kūrrijmōj.

JODIKDIK

Kūrrijmōj in Mijinede

Jen Loran Cook

Ilo Kūrrijmōj eo aō kein karuo āinwōt juon mijinede ej jermal aolep iienj, Ña im eo mōtta kōm eaar loḷok juōn membōr eo ejkab mōj an peptaij im an baamle. Ālikin

juōn kōjota in Kūrrijmōj eo enno, kōm eaar kwaḷok ñan er juōn ennaan in Kūrrijmōj.

Kōm eaar kajjitōk ippān baamle eo ñan jiñaik pija in men ko me raar kakememej er kōn iien eo, rej āinwōt iju ko, menin leḷok ko, kaiṁōkṁōk ko, im wōjke in Kūrrijmōj ko. Innām kōm ar riit jet eoon ko, ekoba 2 Nipai 19:6: “Bwe ñan kōj juon ajri e Ḷotak, ñan kōj juōn Ladrík letok; im kien enaaj pād ioon aeran; im etan naaj kūrri, ri Pepe Eṁan, Anij Ekajoor Pōtata, Jemān Indeeo, Irooj in Aenōmṁan.” Kōm kar al “Once in Royal David’s City” (*Hymns*, no. 205), kar alooje juōn ṁupi kōn Nativity, im kwaḷok naan in kaṁool kōn Jisōs Kraist.

Eaar juōn Kūrrijmōj ilo jekjek ko ejej uwaan, ettoḷok jān baamle ko am im iien mōṁōṁō ko rekkā ilo Kūrrijmōj, bōtaab ilo am kar kwaḷok naan in kaṁool kōn Rilōmṁor eo, laar eñjake juōn iakwe eṁwilaḷ im kaṁoolol ñan E im Ḷotak eo An jān Aō kar jeḷā iṁaanḷok. laar kile enaaj kar āliktata in aō Kūrrijmōj ilo jermal in mijinede aolep iien ñan Jemedwōj Ilañ, bōtaab laar mejeje bwe An Jetōb emaroñ kar kwaḷok ñan ña kōn Nejin Mṁan jabdewōt jikin laar pād.

AJRI RO

Reilok ñan Lo Rilōmṁor eo

Būreejtōn Uchtdorf eaar ba bwe ilo iien Kūrrijmōj jej aikuj reilok ñan men ko me rej kakememej kōj kōn mour eo an Rilōmṁor. Pukōti eon in jipañ ko ilaḷ ñan katak kōn jet iien ko raorōk ilo mour eo An.

Matu 2:1–2

Luke 2:46

Matu 15:32–38

Luk 8:49–55

Luk 23:33–34, 44–46

Jon 20:11–20



Tōmak • Baamle • Deeor

Ad Jerbal ñan Bōk kuṇaad ilo Jerbal an Tampeļ im Menmenbwij an Baamle

Katak kōn kein katak in im, ñe ekkar; ekōnono kake ippān jejtōr ro komij loļok. Kōjermal kajjitōk ko ñan jipañ iok kōkajoorļok jejtōr ro aṃ im ñan kōmṃan bwe Doulul eo an Kōrā ro en ṃōttan eo emourur tata ilo mour eo am make.

Iuṃwin elōñ epenpen ko elōñ armej raar mej ilo aer jab jeļā kōn kōjpeļ eo. Jet iaan armej ran rej nikumṃ ro repaak im rettoļok. Rej kōttar ñan aṃi kōmṃane pukpukōt ko raorōk ñan eddeiki baamle ko ippān doon im kōmṃani kaiñi in lo-ṃoor ko ilo etaer.

Enañin aolep tampeļ ko ilo laļ in rejjab lukkun poub. Enañin aolep tampeļ ko ilo laļ in relukkun poub. Irooj eaar kallimur bwe būruwōmi renaaj oktak ñan ro jememi bwe laļ in eban lukkun kōkkure ilo itok eo An (lale D&C 2:2–3).

Ewōr aṃ make kōjeramṃan ko kwōj bōki ainwōt juōn tōprak in am bōk kuṇaamṃ im pād ilo Jerbal an tampeļ im menmenbwij an baamle. Juōn iaan men kein ej lañlōñ eo me kwōj eñjaake ainwōt aṃ jermal ñan ro jibūṃ im jimṃaamṃ. Eo bar juōn ej bwe komaroñ ekkar ñan juōn peba in mālim an tampeļ, me ej kalikar erre eo aṃ iṃaan Irooj. Ro rejjab erre rainin kōn maroñ eo ñan bōk juōn peba in mālim an tampeļ aikuj in jermal ippān juōn bisop ak branch būreejtōn ñan karbōb ilo iien eo emōkaj tata. Jouj en jab ejeļok menin aikuj in

elukkuun aorōk. Ij kaṃool bwe Pinmuur eo ej ṃool im bwe jerawiwi ko remaroñin jeorļok kōn ukweļok eo ejejjet.

Ainwōt ad bōk kuṇaad ilo jermal an tampeļ im menmenbwij an baamle, jej kanooj jeļā ñan bōk Jetōb eo ñan kaenōmṃan kōj ilo apañ ko ad im ñan tōl kōj ilo jokālōt ko raorōk. Jermal an tampeļ im menmenbwij an baamle ej ṃōttan jermal eo ad in kōmraikļok, ak jermal ñan ro jet, ñan ro jibūd im jimṃaad make.

Julie B. Beck, Būreejtōn eo eļap an Doulul eo an Kōrā Ro.

Jān Jeje Ko Rekwojarjar

Malakai 4:5–6; 1 Korint 15:29; 1 Piter 3:18–19; D&C 110:13–16; 128:24

Jān Bwebwenato eo Ad

“Rikaanan eo Joseph Smith eaar ba, ‘jermal eo elaptata ilo laļ in me Anij eaar door iood ej ñan pukōt rimej ro ad’ (*History of the Church* 6:313). Jān jinoin, jejtōr ro ilo Doulul eo an Kōrā Ro raar rejtate jermal in eļap. Ilo Nauvoo ilo 1842, ikirelel eo an Sarah M. Kimball ñan jipañ rijerbal in kōkal ko an tampeļ eo eaar kōmṃakūt

juōn kumi in jejtōr ro ñan ejaake er make bwe en maroñ emṃan-ļok aer jermal. Ilo aer kar ijino kweilok, Rikanaan eo . . . eaar ejaake Doulul eo an Kōrā Ro kein kajuōn ālikin jinōk eo an priesthood eo. Jān tōre jab eo ṃaanļok, jejtōr ro ilo Doulul eo an Kōrā Ro raar jipañ iuun ṃaanļok jermal eo an Tampeļ eo an Nauvoo. . . .

“Ilo 1855, ralitōk iiō ālkin an Armej ro Rekwojarjar jino kar jikrōkļok ilo Utah, Iṃōn Menin letok kwojarjar eo eaar jutak. Eliza R. Snow, eaar juōn iaan membōr ro an Doulul eo an Kōrā Ro jinoin tata im eaar kejarparok rekoot ko kōn ejaake eo, kar kūr jen Būreejtōn Brigham Young ilo 1866 eo ñan erom būreejtōn eo eļap an Doulul eo an Kōrā Ro. E im jejtōr ro jet raar rijerbal ro retiljek ilo Iṃōn Menin letok kwojarjar eo. Innām, ilo an kar dedeļok Tampeļ ko ilo St. Geroge, Logan, im Manti, jejtōr rein raar etal ñan kajjojo tampeļ ko bwe ren maroñ kōmṃan jermal ñan ro remej ijōkein.”¹

KAKEMEMEJ

1. Mary Ellen Smoot, “Bwebwenato eo an Baamle: Juōn Jerbal in Iakwe,” *Ensign*, Mar. 1999, 15.

Ta Imaroñ kōmḡane?

1. Ewi wāweein Aō maroñ jipañ jijtōr ro aō pukōt rūtto ro aer im kōmḡani kaiñi ko an tampeḷ ñan er? ƭōmḡake kōn jōkjōk ko an kajjojo jijtōr ilo aḡ kejōkḷōkjen kōn wāweein ñan tōpar aikuj ko an. Komaroñ ƭōmḡake bwe menmenbwij an baamḷe ekkā an maroñ kōkajoor membōr ro rekāāl, rej rōḷtok, im membōr ro rōjāniknik.

2. Ñāāt eo jermal an tampeḷ im menmenbwij an baamḷe raar kainemḡan eō ilo apañ ko aō ak kar tōl eō ilo jokālōt ko raorōk?

Ñan meḷeḷe ko rellaplok, etal ñan www.reliefsociety.lds.org.